



**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. III. Statuitur sola visio.

[urn:nbn:de:hbz:466:1-74152](#)

ergo non est forma conjungens illa bona cum Beato.

¶ Probatur tertio. Operatio, in qua formalis beatitudo consistit, debet esse adeprio objecti beautifici, sed quā ratione DEUS est objectum amoris amicitiae, non est objectum beatificum: ergo. Min. prob. DEUS rationem objecti beatifici non obtinet prout est nostrum Summum Bonum, sui possessione rationale appetitum adquātē satians; atqui amor amicitiae non tendit in DEUM, quatenus est nostrum, sed quatenus est suum Summum Bonum: ideo etiam positio amore amicitiae non sequitur amantem beatificari; ut patet in viatore, qui licet per actum charitatis specie & numero indistincte à charitate patriae feratur in DEUM, inde tamen ne quidem particliter beatificatur. Confirm. Eā ratione DEUS est nostra Beatitudo objectiva in patria, quā ratione per actum spei ad ipsum tendimus in viā: sed per actum spei tendimus ad ipsum, prout est nostrum Summum Bonum, nos sui possessione beans: ergo ut sic, & non ut est suum Summum Bonum est beatitudo objectiva.

¶ Probatur Quartio. Operatio presupponens consecutionem Summi Boni, ut non est prima illius consecutio, ita nec beatitudo formalis: atqui amor amicitiae presupponit consecutionem Summi Boni: ergo. Minor probatur. Amor amicitiae ex se abstrahit à praesentia vel absentia objecti, exīque indifferens ad actum desiderii, vel gaudii: Si enim bonum sit absens, gignit desiderium; si sit præsens, parit gaudium. Ergo quod magis pariat gaudium, quam desiderium, quodque sit conjunctus cum Summo Bono, potius quam sejunctus, non habet ex propria natura, sed ex suppositione alterius actus, quo obtinetur possestio, & præsentia Summi Boni.

¶ Respondent Adversarii: quod amor amicitiae presupponat quidem in Beatis consecutionem, & possessionem Summi Boni in genere intellectivo, & sub ratione Summi Veri, non tamen in genere affectivo, & sub ratione Summi Boni.

Sed contra est primò. Ad genus affectivum non pertinet consequi, sed prosequi objectum: quia voluntas, quā tam est boni absentis, quam præsentis, non habet ex propria ratione, ut faciat sibi objectum præsens, illud trahat, teneat, & sequatur, sed ut ab objecto trahatur & alliciatur, atque in illud inclinetur: ergo ne quidem in genere affectivo amor potest esse prima consecutio Summi Boni.

Contra est secundo. Quod etiam actus voluntatis esset aliquo modo consecutivus sui objecti, tamen in prævio actu intellectivo tanquam in radice continetur, atqui essentia metaphysica beatitudinis formalis dicit illam primam consecutionem Summi Boni, quæ alias operations circa illud radicaliter continet, & tanquam proprietates effundit: ergo essentia beatitudinis formalis non in actu voluntatis, sed intellectus quæri & reperiri debet.

Contra est tertio. Quod licet ratio, sub quā intellectus fertur in objectum, non sit ratio boni, sed veri, tamen intra rationem primi Veri, quod intueretur intellectus Beati, etiam continetur ratio ultimi finis & Summi Boni; hæc enim omnia re-

presentantur per claram DEI visionem: ergo Beatus videndo DEUM, etiam illum consequitur secundum rationem finis ultimi, & Summi Boni. Nam secundum omnem illam rationem (ita ut termini reduplicativi non designent rationem motivam sub quā, sed terminativam quæ) Beatus DEUM consequitur, quæ ipsi representatur in visâ DEI essentiâ; sed etiam ratione finis ultimi & Summi Boni adquætæ & inammissibiliter satiati, ipsi representatur in visâ DEI essentiâ: ergo etiam secundum hanc rationem Summi Boni DEUM per visionem consequitur, igitur

§. III. Statuitur sola Visio.

CONCLUSIO secunda. Beatitudo formalis in solo actu intellectus, nimirum clara DEI visione consistit. Ita S. D. bīc a. 4. Conformatum Sacra Scriptura quæ sapientiū hanc visionem eū vitam & mercedem aeternam prōponit: Jo. 17. *Hac est vita eterna, ut cognoscant te solum DEUM verum.* Matth. 5. *Beati mundi cordi, quoniam ipsi DEUM videbunt.* 1. Jo. 3. *Cum apparuerit, similes ei erimus, quia videbimus, sicuti es.* Jo. 17. *Pater, quos dedisti mihi, vobis ubi sum ego, & illi sint mecum, ut videant gloriam meam, quam dedisti mihi.* Conformatum in eandem sententiam SS. Patres, Nazian. Or. ad plag. grand. Regnum calorum est contemplatio Trinitatis. Ambro. l. 2. de off. c. 1. Scripta Divina vitam beatam in cognitione posuit Divinitatis. Præcipue D. Augustin. lib. 1. de Trin. c. 1. *Vixi, quæ contemplabimur immutabilem Deum, statuam, sola est Summum Bonum, Soliloq. cap. 36. Hec est plena beatitudo, & tota gloriam hominis, videre faciem DEI sui.* Et paulo post. *Vixi ergo tua est tota merces, & totum gaudium, quod expectamus.*

Probatur ratione primò. Illa operatio ellenitaliter constituit beatitudinem formalē, que ex sua intrinseco conceptu est prima consecutio & possessio Summi Boni, ex quā velut radice & fonte alias operations & potentiarum perfections promanant. Sed una sola clara DEI visio est ab intrinseco prima ascensio & possessio Summi Boni, quæ alias operations & potentiarum perfections radicaliter continet, & seu proprietates effundit: ergo illa sola formalis beatitudinem constituit.

Minor quoad 1. membrum probatur. Illius potentia actus per se primò consequitur objectum, cuius proprium munus est objectum ad se trahere, & facere intimè præsens; sed locat sit actu intellectus, upotè potentia representativa, qui objectum ad se trahit, & intimè conjungit intelligenti, vel in esse intentionalis & objectivo, si illud objectum unitatur mediante ipsius distincta, vel in esse reali, si illud per seipsum obeat munus speciei intelligibilis. Econtrariatus voluntatis potentia caeca & nullatenus representativa, non facit objectum sibi præsens, sed est pondus & inclinatio in objectum, à qua voluntas trahitur. Jam vero talis actus intellectus, in proposito, est clara DEI visio: ergo illa

sola est prima consecutio & possesso Summi Boni. Alterum membrum ejusdem minoris faciliter patet: quia visio est radix amoris necessarii, summa delectationis, omnimoda impeccabilitatis, aliarumque perfectionum, quae ad eandem per modum proprietatum consequuntur.

Probatur secundo. Per illam operationem beatitudo formalis essentialiter constituitur, per quam statu termini ac patriæ per se primò distinguuntur a statu viæ; sed hoc sit per solam visionem DEI. Ergo. Minor probatur. Amor est ex se indifferens ad statum viæ & patriæ, & eadem est charitas in patriâ, quæ est in viâ: *Charitas enim, teste Apostolo, nonquam excidit.* Rursum, si per possibile, vel impossibile videntis DEUM non amaret ipsum, tamen esset comprehensor, & extra statum puri viatoris, econtra si amans DEUM non videret ipsum, non idèo esset comprehensor, & extra statum viatoris: ergo id, per quod statu patriæ per se primò distinguuntur a statu viæ, non est amor, sed clara DEI visio.

§. IV.

Exponuntur autoritates opposita.

Obijecies quasdam autoritates, quibus visio detur evincit, partim quod fructu pertinet ad essentiam beatitudinis, partim quod essentia Beatitudinis pertinet ad voluntatem. Nam primo D. August. L. 8. de Civ. e. 9. inquit: *Nemo Beatus est, qui eō, quod amat, non fruatur.* Secundò Doctor Angelic. hic quest. II. a. 3. ad 3. dicit: *DEUS est ultimus finis, scit res, quae ultimo queritur, fructu autem sicut dicitur huius ultimi finis.* Et quæst. 4. a. 3. ad 1. Sicut ad voluntatem pertinenter spes & amor, ita comprehensionis & delectatio.

Respondere ad 1. Fruitionem ibi non accipi posse, quo Iesus citatus S. Pater Lib. de Doctrina Christi. cap. 4. dicit: *Fruī est amore adhuc alieni rei proper seipsum;* sed latè, prout significat fructum capere, vel acquiescere in repetitione, ex qua fructus percipitur. Quo modo fructu pertinet ad ipsam visionem, quia Beatus videnti DEUM maximo suo fructu illum possident. Eadem response satisfit ad 2. nisi malis dicere, S. Doct. loqui de adceptione comprehensionis non formaliter sumpta, quo sensu verum est, quod fructu pertinet ad complementum beatitudinis & adceptionis.

Ad 3. dico, ibidem *ly comprehensionis non accipi pro acta, quo DEUM consequimur, sed pro habitudine voluntatis ad finem jam habitum & possellum, sub quâ acceptance pertinet ad dotes animæ inf. referendas;* ita enim se exponit ipsemet S. D. in respons. ad 3. dicens: *comprehensionis non est aliqua operatio preter visionem, sed quadam habiendo ad finem jam habitum.*

4. Obijecimus etiam Scotistæ authoritatem S. P. Augustini. Nam primò L. 10. confess. cap. 22. inquit: *Hac sola est vita eterna gaudere ad te, de te, proper te,* subdit cap. 23. *Beata vita est gaudium de veritate, Rursus serm. 53.*

R. P. Mezg. Theol. Schol. Tom. II.

de temp. dicit: *Charitas est summum premium in celo, quia in perenni gaudio nihil gratius, nihil dulcius habent sancti perfecto amore DEI.*

Respondeo. D. Augustinum, aliosque P. P. aliquando loquì de beatitudine integraliter accepta & omnibus numeris absoluta, mentem verò hujus Sancti D. fatis constare è textibus pro nostra conclusione allegatis, & ex illo ipso Sermone 53. de tempore. Ubi post verba ab Adversariis citata, hæc subdit: *Quem quia presentem vident, suavitatem diligunt, dulcissimam fruuntur.* En! quemadmodum S. Pater dilectioni & fruitioni presupponat DEUM clarâ visione praesentem & praebentem.

Obijecimus secundò. Beatitudo formalis est in-¹⁵ tima unio cum Summo Bono; sed talis unio est amor. Ergo. Min. probatur: quia amor à D. Dionysio appellatur *virtus uniuersa* à D. Augustino L. 8. de Trinit. cap. 10. Junctura quadam duo aliqua copulans, vel copulare appetens: Ex qua anticus vocari solet, alter ego.

Respondere, distinguendo majorem. Beatitudo formalis est intima unio cum DEO consecutiva, & quasi effectiva, quæ pertinet ad intellectum, concedo. prosecutiva & affectiva quæ pertinet ad voluntatem, nego. Illa facit objectum præsens, ista supponit; sicut enim objectum debet supponi conueniens subiecto, ut illud voluntas appetat, ita debet supponi unitum, ut in illo quiescat. Unde cùm SS. PP. a morem appellant unionem, affectivam illam & prosecutivam intelligunt.

§. V.

Rationes objectivæ.

Obijecies ex ratione primò. Beatitudo formalis debet adæquatè satiare naturam intellectualem in quantum est satiabilis: sed sola visio non ita adæquata satiat naturam intellectualem: ergo, min. probatur. Naturam intellectualem non tantum est satiabilis secundum potentiam intellectivam sed etiam appetitivam: sicut Summum Bonum non tantum est natum objectivè explore intellectum, sed etiam voluntatem. Atqui visio solummodo satiat intellectum non autem voluntatem, quæ non nisi suo proprio actu satiari potest: ergo sola visio non satiat naturam intellectualem, in quantum est satiabilis.

Respondere. disting. majorem. Beatitudo formalis debet adæquatè satiare naturam intellectualem in quantum est satiabilis, secundum omnes potentias æqualiter, nego. Secundum unam formaliter, secundum alias causaliter seu radicaliter, concedo, & pariter dicitur, min., nego consequentiam: & ad probationem dicitur, min. visu tantum satiat intellectum non voluntatem formaliter concedo; causaliter & radicaliter nego. Ergo non satiat totam naturam intellectualem secundum omnes potentias formaliter, concedo secundum intellectu formaliter, secundum voluntatem causaliter & radicaliter, nego consequentiam. Ratio est: quod solus intellectus est satiabilis per se primò per modum affectionis & possessionis

D

sui